



Broj: 01/1-49-2- 17
Bihać, 27.11.2017. godine

Izvod iz zapisnika
sa 19. vanredne sjednice Skupštine
Unsko-sanskog kantona, održane dana 27.11.2017.godine

19. vanredna sjednica Skupštine Unsko-sanskog kantona održana je u ponedjeljak, 27.11.2017.godine s početkom rada u 10,18 sati, u sali za sjednice Skupštine Unsko-sanskog kantona, ul. Alije Đerzeleza br.6. u Bihaću.

Sjednici je prisustvovalo 29 poslanika.

Odsutan je zamjenik predsjedavajućeg Skupštine Unsko sanskog kantona Mladen Lonić.

Sjednici je prisutan premijer Unsko-sanskog kantona, te ministri u Vladi, predstavnici međunarodnih organizacija kao i sredstava javnog informiranja.

Predsjedavajući Skupštine Nijaz Hušić je uz riječi pozdrava otvorio 19. vanrednu sjednicu Skupštine Unsko-sanskog kantona, te naglasio da je vanredna sjednica i da će se dnevni red utvrditi na samoj sjednici, nakon čega je otvorio raspravu po pitanju dnevnog reda.

Damir Hodžić predlaže da se na dnevni red 19. vanredne sjednice Skupštine Unsko sanskog kantona uvrsti tačka Izbor i imenovanjeu okviru koje bi se razmatralo pod

- a) Prijedlog Odluke o razriješenju ministra ministarstva obrazovanja, nauke kulture i sporta Muhameda Ramića i ministra ministarstva za građenje prostorno uređenje i zaštitu okoliša Jasmina Burnića,
- b) Prijedlog Odluke o imenovanju ministra ministarstva obrazovanja, nauke kulture i sporta i ministra ministarstva za građenje prostorno uređenje i zaštitu okoliša.

Albin Muslić je predložio da se na dnevni red 19. vanredne sjednice Skupštine Unsko sanskog kantona uvrsti tačka Prijedlog Zakona o izmjenama zakona o univerzitetu u Bihaću, te tražio prije zatvaranja rasprave o dnevnom redu, pauzu od 15 minuta u ime kluba SDP-a.

Edin Bašagić je predložio da se na dnevni red 19. vanredne sjednice Skupštine Unsko sanskog kantona uvrsti kao tačka dnevnog reda Prijedlog Odluke o visini premije za 2018. godinu.

Nijaz Kadirić predlaže da se na dnevni red 19. vanredne sjednice Skupštine Unsko sanskog kantona uvrsti kao tačka dnevnog reda Izvještaj o radu Vlade Unsko sankog kantona i izglasavanje nepovjerenja Vladi Unsko sanskog kantona na čelu s premijerom Huseinom Rošićem.

Za diskusije su se još javljali: Hajrudin Halilović, Željko Mirković, Nedima Zulić, Sanel Mahić, Farko Hodžić i Ekrem Prošić.

Predsjedavajući Skupštine Nijaz Hušić pročitao mogući dnevni red sa tačkama o kojima bi se trebalo raspravljati na današnjem zasjedanju, nakon čega je dao pauzu od 15 minuta na zahtjev kluba SDP-a.

Stavove kluba SDP-a iznio Albin Muslić – predsjednik kluba i između ostalog predložio da se na dnevnom redu 19. sjednice Skupštine Unsko sanskog kantona raspravlja o slijedećim tačkama:

1. Izbor i imenovanje
 - a) Razriješenje ministara u Vladi Unsko sanskog kantona i to ministra obrazovanja nauke kulture i sporta i ministra građenja, prostornog uređenja i zaštite okoliša,
 - b) Imenovanje ministara u Vladi Unsko sanskog kantona i to ministra obrazovanja nauke kulture i sporta i ministra građenja, prostornog uređenja i zaštite okoliša,
2. Razmatranje stanja u ZU KB. »dr. Irfan Ljubijankić« sa prijedlogom mjera i rješenja
3. Prijedlog Zakona o izmjenama zakona o univerzitetu u Bihaću.

Stav kluba SDA iznio Edin Bašagić – predsjednik kluba te predložio da se dnevni red 19. vanredne sjednice Skupštine Unsko sanskog kantona sastoji od slijedeći tačaka:

1. Prijedlog Odluke o davanju saglasnosti za prebijanje međusobnih obaveza po pravosnažnim presudama;
2. Prijedlog Odluke o kreditnom zaduženju ZU Kantonalna bolnica »dr. Irfan Ljubijankić« Bihać,
3. Odluka o visini premije za 2018. godinu
4. Inicijativa JU »Služba za zapošljavanje Unsko sanskog kantona« Bihać za donošenje Odluka o rješavanju problema duga JU »Služba za zapošljavanje Unsko sanskog kantona« Bihać prema Zavodu zdravstvenog osiguranja Unsko sanskog kantona Bihać nastalog po osnovu neplaćenih doprinosa za zdravstveno osiguranje nezaposlenih lica na području Unsko sanskog kantona u periodu 01.01.2002. – 30.09.2005. godine.

Nakon što su Albin Muslić i Edin Bašagić iznijeli stavove svojih klubova i predložili mogući dnevni red predsjedavajući Skupštine Unsko sanskog kantona dao je na glasanje i to pojedinačno svaku predloženu tačku dnevnog reda te sa 10 glasova »za«, 1 glasom »protiv« i 13 glasova »suzdržan« nije dobio potrebnu većinu prijedlog da se na dnevni red uvrsti tačka

Izbor i imenovanje

- a) Razriješenje ministara u Vladi Unsko sanskog kantona i to ministra obrazovanja nauke kulture i sporta i ministra građenja, prostornog uređenja i zaštite okoliša,
- b) Imenovanje ministara u Vladi Unsko sanskog kantona i to ministra obrazovanja nauke kulture i sporta i ministra građenja, prostornog uređenja i zaštite okoliša.

Nakon pojedinačnog izjašnjavanja sa 15 glasova »za« 1 glasom »protiv« i 13 »suzdržanih« nije dobio potrebnu većinu prijedlog da se na dnevni red uvrsti tačka

Razmatranje stanja u ZU KB. »dr. Irfan Ljubijankić« sa prijedlogom mjera i rješenja.

Pojedinačnim izjašnjavanjem sa 14 glasova »za« 1 glasom »protiv« i 14 glasova »suzdržan« nije dobio potrebnu većinu prijedlog da se na dnevni red uvrsti kao tačka

Prijedlog Zakona o izmjenama zakona o Univerzitetu u Bihaću.

Predsjedavajući Skupštine Nijaz Hušić takođe dao na glasanje prijedlog dnevnog reda koji je predložio Edin Bašagić, te je pojedinačnim izjašnjavanjem sa 18 glasova »za« i 11 suzdržani usvojen prijedlog da se na dnevnom redu razmatra Prijedlog Odluke o davanju saglasnosti za prebijanje međusobnih obaveza po pravosnažnim presudama.

Nakon toga sa 17 glasova »za« 1 glas »protiv« i 9 glasova »suzdržan« usvojen je prijedlog da se na dnevnom redu razmatra Prijedlog Odluke o kreditnom zaduženju ZU Kantonalna bolnica »dr. Irfan Ljubijankić« Bihać, te je sa 17 glasova »za« i 9 glasova »suzdržanih« usvojen prijedlog da se na dnevni red uvrsti Odluka o visini premije za 2018. godinu i pojedinačnim izjašnjavanjem sa 17 glasova »za« i 12 suzdržanih je dobio potrebnu većinu prijedlog da se na dnevni red sjednice Skupštine uvrsti Inicijativa JU »Služba za zapošljavanje Unsko sanskog

kantona« Bihać za donošenje Odluka o rješavanju problema duga JU »Služba za zapošljavanje Unsko sanskog kantona« Bihać prema Zavodu zdravstvenog osiguranja Unsko sanskog kantona Bihać nastalog po osnovu neplaćenih doprinosa za zdravstveno osiguranje nezaposlenih lica na području Unsko sanskog kantona u periodu 01.01.2002. – 30.09.2005. godine.

Nakon što je koncipiran i usvojen dnevni red 19. vanredne sjednice Skupštine Unsko sanskog kantona prešlo se na raspravu i odlučivanje.

RASPRAVA I ODLUČIVANJE PO UTVRĐENOM DNEVNOM REDU

Ad-1.

Prijedlog Odluke o davanju saglasnosti za prebijanje međusobnih obaveza po pravosnažnim presudama;

Izjavitelj: Midžić Rusmir ispred Zavoda zdravstvenog osiguranja

Ispred radnih tijela stavove iznijeli Sanel Mahić - Komisija za budžet ekonomsku i finansijsku politiku, te Albin Muslić - Komisija za ustavna zakonodavno pravna i pitanja evropskih integracija.

Diskusije: Rasim Pajić i Mirvet Beganović.

Nakon zaključene rasprave na pitanja odgovorio Husein Rošić premijer Unsko sanskog kantona.

Pojedinačnim glasanjem sa 15 glasova »za« i 12 glasova »suzdržan« nije dobio potrebnu većinu Prijedlog Odluke o davanju saglasnosti za prebijanje međusobnih obaveza po pravosnažnim presudama.

Ad-2.

Prijedlog Odluke o kreditnom zaduženju ZU Kantonalna bolnica »dr. Irfan Ljubijankić« Bihać,

Izjavitelj dr. Smail Dervišević- direktor KB. »Dr. Irfan Ljubijankić«

Predsjedavajući Skupštine Unsko sanskog kantona Nijaz Hušić dao je pauzu od 15 minuta na zahtjev Kluba poslanika DF-a.

Diskusije: Nijaz Kadirić, Edin Bašagić, Željko Mirković, Hajrudin Halilović, Amir Murić, Mirvet Beganović, Rasim Pajić, Asmir Ćufurović, Admir Hadžipašić, Farko Hodžić, Sanel Mahić, Nedima Zulić, Sanil Hasić, Ekrem Prošić, Damir Hodžić i Kenan Keserović.

Predsjedavajući Skupštine Unsko sanskog kantona Nijaz Hušić dao je pauzu od 40 minuta.

Sa 17 glasova »za« 1 glasom »protiv« i 10 glasova »suzdržan« usvojena je slijedeća

O D L U K U

o davanju saglasnosti za pokretanje procedure za kreditno zaduženje
ZU Kantonalna bolnica „Dr. Irfan Ljubijankić“ Bihać

Sa 17 glasova »za« i 6 glasova »suzdržan« usvojen je slijedeći

ZAKLJUČAK

I

Traži se od Vlade Unsko-sanskog kantona i Zavoda zdravstvenog osiguranja Unsko-sanskog kantona da iznađu dodatna sredstva za nesmetano funkcioniranje JZU Opće bolnice Sanski Most.

Sa 11 glasova »za« i 6 glasova »suzdržan« nije dobio potrebnu većinu prijedlog Željka Mirkovića da se 2018. godina u Unsko sanskon kantonu proglasi godinom zdravstva.

Ad-3.

Odluka o visini premije za 2018. godinu

Bez diskusija sa 17 glasova »za« i 12 glasova »suzdržan« usvojena je slijedeća

ODLUKU

o utvrđivanju visine premije za 2018.godinu

Član 1.

Utvrđuje se visina premije za 2017.godinu u iznosu od 20,00 KM po osiguranom licu Zavoda zdravstvenog osiguranja Unsko-sanskog kantona.

Član 2.

Uplatu premije za 2018.godinu osigurana lica će izvršiti u skladu sa Odlukom o naposrednom učešću osiguranih lica u troškovima korištenja zdravstvene zaštite na teritoriji Unsko-sanskog kantona („Službeni glasnik Unsko-sanskog kantona“ br. 17/05, 1/09, 4/09, 4/12, 20/12 i 20/14).

Ad-4.

Inicijativa JU »Služba za zapošljavanje Unsko sanskog kantona« Bihać za donošenje Odluka o rješavanju problema duga JU »Služba za zapošljavanje Unsko sanskog kantona« Bihać prema Zavodu zdravstvenog osiguranja Unsko sanskog kantona Bihać nastalog po osnovu neplaćenih doprinosa za zdravstveno osiguranje nezaposlenih lica na području Unsko sanskog kantona u periodu 01.01.2002. – 30.09.2005. godine.

Izvjestilac Avdo Kuduzović direktor JU Služba za zapošljavanje Unsko sanskog kantona

Sa 23 glasa »za« usvojena je slijedeća

ODLUKU

o proglašenju javnog interesa

I

U cilju rješavanja duga JU „Služba za zapošljavanje Unsko-sanskog kantona“ Bihać nastalog po osnovu doprinosa za zdravstveno osiguranje nezaposlenih osoba sa područja Unsko-sanskog kantona u periodu 01.01.2002-30.09.2005.godine prema Zavodu zdravstvenog osiguranja Unsko-sanskog kantona, a po rješenju Porezne uprave Kantonalni ured Bihać proglašava se javni interes radi osiguranja daljeg nesmetanog funkcionisanja i obavljanja

osnovnih djelatnosti JU „Služba za zapošljavanje Unsko-sanskog kantona“ Bihać kao ustanove od javnog značaja.

II

Odlukom o proglašenju javnog interesa osiguraće se nesmetano dalje obavljanje djelatnosti JU „Služba za zapošljavanje Unsko-sanskog kantona“ Bihać definisanih članom 5. Odluke o osnivanju JU „Služba za zapošljavanje Unsko-sanskog kantona“ Bihać („Službeni glasnik Unsko-sanskog kantona br. 7/01 i 9/09).

III

Zadužuje se JU „Služba za zapošljavanje Unsko-sanskog kantona“ Bihać da po stupanju na snagu ove Odluke pokrene sve aktivnosti prema Federalnom ministarstvu finansija, Poreznoj upravi – Kantonalni ured Bihać i svim drugim relevantnim institucijama u cilju rješavanja nastalog duga po ovom osnovu.

Sa 21 glasom »za« i 3 glasa »suzdržan usvojena je slijedeća

ODLUKA

o izmjenama i dopunama Odluke o osnovicama i stopama doprinosa za obavezno zdravstveno osiguranje neosiguranih osoba

Član 1.

U Odluci o osnovicama i stopama doprinosa za obavezno zdravstveno osiguranje („Službeni glasnik Unsko-sanskog kantona“ broj: 6/99) u članu 10. stav (1) tačka 2) broj: „13%“ i u Odluci o izmjenama i dopunama Odluke o osnovicama i stopama doprinosa za obavezno zdravstveno osiguranje („Službeni glasnik Unsko-sanskog kantona“ broj: 15/04) u članu 10. stav (1) tačka 2) broj: „3%“ zamjenjuje se brojem: „2,85%“.

Član 2.

Stopa iz člana 1. ove Odluke primjenjuje se na period od 01.01.2002.godine do 30.09.2005.godine, na obaveznika doprinosa za zdravstveno osiguranje iz člana 10. tačka 2) Odluke o osnovicama i stopama doprinosa za obavezno zdravstveno osiguranje („Službeni glasnik Unsko-sanskog kantona“ broj: 6/99) i Odluke o izmjenama i dopunama Odluke o osnovicama i stopama doprinosa za obavezno zdravstveno osiguranje („Službeni glasnik Unsko-sanskog kantona“ broj: 15/04), za obračun doprinosa za zdravstveno osiguranje za nezaposlene osobe iz člana 19. tačka 12., 18. i 14. Zakona o zdravstvenom osiguranju.

19. vanredna sjednica Skupštine Unsko-sanskog kantona završena je u 15,45 sati.

Po ovlaštenju Skupštine
Unsko-sanskog kantona
Sanela Abdulahović, dipl.pravnik

Predsjedavajući Skupštine
Unsko-sanskog kantona
Nijaz Hušić, prof.

